

Staatâräädi asâttij sämmilii šonjâdâhräädï

Staatâräädi asâttij onne porgemáanu 24. peeivi sämmilii šonjâdâhräädï neelji ive pištee pajan. Sämmilâš šonjâdâhräädï lii uđđâ, jiešráđálâš äššitobdeeorgan, mon ulmen lii pyehtid sämmilij tiätuvuáđu já uáinuid šonjâdâhpolitiik valmâštállâm uáassin.

Sämmilii šonjâdâhräädán nomâttii 12 airâsid já tot šadda totkeejesânijn já sämmilii ärbivuáválii tiäđu haldâšeijein. Saavâjođetteijen nomâttui totkeetuáhtár **Klemetti Näkkäljärvi** Oulu ollâopâttuvâst.

Sämmilâš šonjâdâhräädï lii maailmviđosávt áinoošlajásâš aalmuglâš organ, mii oovded algâaalmugij vuoigâdвуođâid. Sämmilâš šonjâdâhräädï asâttui tääl vuossámuu tove. Sämmilii šonjâdâhräädïst asâttuvvoo uđâsmittum šonjâdâhlaavâst.

“Mun lam sämmilâžžân já totken ilolâš já čiävláá tast, ete sämmilâš šonjâdâhräädï lii asâttum. Sämmilâš šonjâdâhräädï puáhtá puigâ vuárusavâstállâm sämmilii ärbivuáválii tiäđu haldâšeijein já tiedâsiärváduv kooská. Šonjâdâhräädï annoo vái mij pyehtip čuávidiđ hástusijd, maid šonjâdâhnuvástus já luánduhiävvu pyehtih sämisiärvádâhân.” iätä sämmilii šonjâdâhräädï saavâjođetteijee Näkkäljärvi.

Sämmilâš šonjâdâhräädï addel ciälkkámušâid já pyevtit uđđâ tiätuvuáđu Sämmilii šonjâdâhräädï pargon lii adelid ciälkkámušâid šonjâdâhpolitiik vuáváámijn sehe pyevtittiđ tiätuvuáđu šonjâdâhpolitiik valmâštállâm toorjân sämikulttuur ovdedem uáinust.

Šonjâdâhräädï totkeejesânijn lii maangâpiälásâš máttu ovdâmerkkân šonjâdâhtiettuon, algâaalmugtutkámušâst, ekologiasst já pirâsekonomiasst. Ärbivuáválii tiäđu haldâšeijein lii vuod máttu ovdâmerkkân puásuituálust, kietâtuojijn, šonjâdâhnuvástus karttiimist, kyelipiivdost já ärbitiäđu nurâmist. Ärbivuáválii tiäđu haldâšeijeeh ovdâsteh meid viđáht sämmilij päikkikuávlun nuuvt eennâmtiedâlávtt ko meid kielâi uásild. Šonjâdâhlaavâ miel ucemustáá peeli airâsijn kalgeh leđe ärbivuáválii tiäđu haldâšeijeeh.

Sämikulttuur lii eromâš herkki šonjâdâhnuvástusân, tastko ärbivuáválâš sämikulttuur lii čonâsist arktâsii luándun. Šonjâdâh lieggân arktâsijn kuávlun merhâšitteht jotelubboht ko eres kuávlun maailmist.

Sämmilii šonjâdâhräädï airâseh 1.9.2023-31.8.2027:

Tiedâsuorgij airâseh

Klemetti Näkkäljärvi (Oulu ollâopâttâh, saavâjođetteijee)

Hilppa Gregow (Áimutiettuu lájádâs)

Rauna Kuokkanen (Laapi ollâopâttâh)

Päivi Meriläinen (Tiervâsvuođâ já pyereestvaijeem lájádâs)

Markku Ollikainen (Suomâ šonjâdâhpaaneel). Nomâttuvvoo ive 2023 loopân, kuás tááláá šonjâdâhpaaneel toimâpaje nohá.

Henni Yläne (Nuorttâ-Suomâ ollâopâttâh)

Sämmilii ärbivuáválii tiäđu haldâšeijeeh

Esko Aikio (Ucjuuhâ)

Petra Biret Magga Vars (Suádigil)

Antti-Oula Juuso (länudâh)

Raija Lehtola (Aanaar)

Tuomas Semenoff (Aanaar)

Jussa Seurujärvi (Aanaar)

Lasetiäduh:

Karin Cederlöf

Haldättäsčallee

Pirâsministeriö

p. 0295 250 010 (31.8.2023 räi)

karin.cederlof@gov.fi

Heta-Elena Heiskanen

Sierânâsäššitobdee

Pirâsministeriö

p. 0295 250 380

heta-elena.heiskanen@gov.fi

Klemetti Näkkäljärvi

Sämmilii šonjadâhräädî saavâjodetteijee

Totkeetuáhtár, CERH, Oulu ollâopâttâh

p. 040 5371584

klemetti.nakkalajarvi@oulu.fi